

TREFN Y

WEDDI FOREOL,

BOB DYDD TRWY'R FLWYDDYN.

TREFN Y

FOREOL A'R BRYDNHAWNOL WEDDI

I'W DYWEDYD BEUNYDD A'I HARFERU TRWY'R FLWYDDYN,

YForeol a'r Brydnhawnol Weddi a arferir yn y Man cynnefinol o'r Eglwys, Capel, neu Gangell; oddi eithr i Ordinari'r Lle farnu yn amgenach. A'r Canghellau a gânt sefyll yn y modd yr oeddynt o'r blaen.

Ac yma noder, Fod yn rhaid cadw a chynnal Addurniadau'r Eglwys a 'i Gweinidogion, ar bob amser o 'u Gweinidogaeth, yn yr un wedd ag yr oeddynt yn Eglwys *Loegr*, trwy Awdurdod y Parliament, yn yr ail Flwyddyn o Deyrnasiad y Brenhin *Edward* y Chweched.

¶ *Ar ddechreu'r Foreol Weddi, darlened y Gweinidog, â llef uchel, ryw un neu ychwaneg o'r adnodau hyn o'r Ysgrhythyr Lân y rhai sydd yn canhyn. Ac yna dywedod yr hyn y sydd ysgrifenedig ar ol yr unrhyw adnodau.*

PAN ddychwelo'r annuwiol oddi wrth ei ddrygioni yr hwn a wnaeth, a gwneuthur barn a chyfiawnder, hwnnw a geidw yn fyw ei enaid. *Ezec. xviii.27.*

Yr wyf yn cydnabod fy nghanmweddau, a'm pechod sydd yn wastad ger fy mron. *Psal. li. 3.*

Cuddia dy wyneb oddi wrth fy mhechodau, a dilea fy holl anwireddau. *Psal. li. 9.*

Aberthau Duw ydynt yspryd drylliedig: calon ddrylliog, gystuddiedig, O Dduw, ni ddirmygi. *Psal. li. 17.*

Rhwygwch eich calon, ac nid eich dillad, ac ymchwelwch at yr Arglwydd eich Duw: o herwydd graslawn a thrugarog yw efe, hwyrffrydig i ddigofaint, a mawrei drugaredd, ac edifeiriol am ddrwg. *Joel ii. 13.*

Gan yr Arglwydd ein Duw y mae trugareddau a maddeuant, er gwrthryfelu o honom i'w erbyn: ni wrandaw-som chwaith ar lais yr Arglwydd ein Duw, i rodio yn ei gyfreithiau ef, y rhai a roddodd efe o'n blaen ni. *Dan. ix. 9, 10.*

Cospa fi, Arglwydd, etto mewn barn ; nid yn dy lid, rhag it' fy ngwneuthur yn ddiddym. *Jer. x. 24. Psal. vi. i.*

Edifarhêwch; canys nesaodd teyrnas nefoedd. *St. Matt. iii. 2.*

Mi a godaf, ac a âf at fy nhad, ac a ddywedaf wrtho, Fy nhad, pechais yn erbyn y nef, ac o'th flaen dithau; ac mwyach nid ydwyf deilwng i'm galw yn fab i ti. *St. Luc xv. 18, 19.*

Arglwydd, na ddos i farn â'th was; o herwydd ni chyfiawnheir neb byw yn dy olwg di. *Psal.* cxliii. 2.

Os dywedwn nad oes ynom bechod, yr ydym yn ein twyllo ein hunain, a'r gwirionedd nid yw ynom. Os cyfaddefwn ein pechodau, ffyddlon yw efe a chyfiawn, fel y maddeuo i ni ein pechodau, ac y'n glanhao oddi wrth bob anghyfiawnder. 1 *Ioan* i. 8, 9.

FY anwyl gariadus frodyr, y mae'r Ysgrythyr L â n yn ein cynhyrfu, mewn amrywiol fannau, i gydnabod ac i gyffesu ein haml bechodau a'n hanwiredd; ac na wnelem na'u cuddio na'u celu yngŵydd yr Holl-alluog Dduw ein Tad nefol; eithr eu cyffesu â gostyngedig, isel, edifarus, ac ufudd galon; er mwyn caffael o honom faddeuant am danynt, trwy ei anfeidrol ddaioni a'i drugaredd ef. Ac er y dylem ni bob amser addef yn ostyngedig ein pechodau ger bron Duw; etto ni a ddylem yn bennaf wneuthur hynny, pan ymgynhullom i gyd-gyfarfod, i dalu diolch am yr aml ddaioni a dderbyniasom ar ei law ef, i ddatgan ei haedde-diccaf foliant, i wrando ei sancteiddiaf Air ef, ac i erchi y cyfryw bethau ag a fyddo cymmwys ac angenrheidiol, yn gystal ar les y corph a'r enaid. O herwydd paham myfi a erfyniaf ac a attolygaf i chwi, cynnifer ag y sydd yma yn bresennol, gyddynnu myfi â chalon bur, ac â lleferydd ostyngedig, hyd yngorseddfa'r nefol râd, gan ddywedyd ar fy ol i;

¶ *Cyffes gyffredin, i'w dywedyd gan yr holl Gynnullidfa ar ol y Gweinidog, gan ostwng ar eu gliniau oll,*

HOLL-alluog Dduw a thrugaroccaf Dad; Nyni a aethom ar gyfeiliorn allan o'th ffyrdd di fel defaid ar gyfrgoll. Nyni a ddilynasom ormod ar amcanion a chwantau ein calonnau ein hunain. Nyni a wnaethom yn erbyn dy sancteiddiol gyfreithiau. Nyni a adawsom heb wneuthur y pethau a ddylesym eu gwneuthur; Ac a wnaethom y pethau ni ddylesym eu gwneuthur; Ac nid oes iechyd ynom. Eithr tydi, O Arglwydd, cyminer drugaredd arnom, ddrwg weithred wŷr truain. Arbed di hwynt-

hwy, O Dduw, y rhai sy'n cyffesu eu beiau. Cyweiria di'r sawl sydd yn edifarus; Yn ol dy addewidion a hyspyswyd i ddyn yng Nghrist Iesu ein Harglwydd. A chaniattâ, drugaroccaf Dad, er ei fwyn ef; Fyw o honom rhag llaw mewn duwiol, union, a sobr fuchedd, I ogoniant dy sancteiddiol Enw. Amen.

¶ *Y Gollyngdod, neu Faddeuant pechodau, i'w ddatgan gan yr Offeriaid yn unig, yn ei sefyll: a'r bobl etto ar eu gliniau.*

YR Holl-alluog Dduw, Tad ein Harglwydd Iesu Grist, yr hwn ni ddelsyf farwolaeth pechadur, eithr yn hytrach ymchwelyd o hono oddi wrth ei anwiredd, a byw; ac a roddes allu a gorchymyn i'w Weinidogion, i ddatgan ac i fynegi i'w bobl, sydd yn edifarus, Ollyngdod a Maddeuant am eu pechodau: Efe a bardyna ac a ollwng y rhai oll sydd wir edifeirol, ac yn ddiffuant yn credu i'w sancteiddiol Efengyl ef. O herwydd paham attolygwn ni iddo ganiattâ i ni wir edifeirwch, a'i Yspryd Glân; fel y byddo boddlon ganddo'r pethau yr ydym y pryd hwn yn eu gwneuthur, a bod y rhan arall o'n bywyd rhag llaw yn bur ac yn sancteiddiol; modd y delom o'r diwedd i'w lawenydd tragywyddol; trwy Iesu Grist ein Harglwydd.

¶ *Attebed y bobl yma, ac ar ddiwedd pob un o'r Gweddïau eraill, Amen.*

¶ *Yna y gostwng y Gweinidog ar ei liniau, ac a ddywed Weddi 'r Arglwydd â llef uchel; a'r bobl befyd ar eu gliniau, yn ei dywedyd gyd âg ef, yn y fan yma, ac ym mha le bynnag arall yr arferir hi yng Ngwasanaeth Duw.*

EIN Tad, yr hwn wyt yn y nefoedd, Sancteiddier dy Enw. Deued dy deyrnas. Bydded dy ewyllys ar y ddaear, Megis y mae yn y nefoedd. Dyro i ni heddyw ein bara beunyddiol. A maddeu i ni ein dyledion, Fel y maddeuwn ni i 'n dyledwŷr. Ac nac arwain ni i brofedigaeth; Eithr gwared ni rhag drwg; Canys eiddot ti yw'r deyrnas, A'r gallu, A'r gogoniant, Yn oes oesoedd. Amen.

¶ *Yna y dywed efe yn yr un modd,*

Arglwydd, agor ein gwefusau.

Atteb. A'n genau a fynega dy foliant.

Offeiriad. Duw, brysia i'n cynnorthwyo.

Atteb. Arglwydd, prysura i'n cymmorth.

¶ *Yna, a phawb yn eu sefyll, yr Offeiriad a ddywed,*

Gogoniant i'r Tad, ac i'r Mab: ac i'r Yspryd Glân;

Atteb. Megis yr oedd yn y dechreu, y mae yr awr hon, ac y bydd yn wastad: yn oes oesoedd. Amen.

Offeiriad. Molwch yr Arglwydd.

Atteb. Moliannus fyddo Enw'r Arglwydd.

¶ *Yna y dywedir, neu y cenir, y Psalm hon sy'n canlyn; oddi eithr ar Ddydd Pasg, ar yr hwn y mae Anthem arall wedi ei gosod: ac ar y namyn un ugeinfed dydd o bob mis, ni ddarllenir mo honi yn y fan hon, ond yn atferod gylch y Psalman.*

Venite, exultemus Domino. Psal. xcv.

DEUWCH, canwn i'r Arglwydd: ymlawenhâwn yn nerth ein hiechyd.

Deuwn ger ei fron ef â diolch : canwn yn llafar iddo â Psalman.

Canys yr Arglwydd sy Dduw mawr : a Brenhin mawr ar yr holl dduwiau.

Oblegid yn ei law ef y mae gorddyfnderau'r ddaear : ac efe bïau uchelder y mynyddoedd.

Y môr sydd eiddo, canys efe a'i gwnaeth : a'i ddwyllaw a luniasant y sychdir.

Deuwch, addolwn, a syrthiwn i lawr : a gostyngwn ger bron yr Arglwydd ein Gwneuthurwr.

Canys efe yw ein Duw ni : a ninnau ym bobl ei borfa ef, a defaid ei ddwyllaw.

Heddyw, os gwrandêwch ar leferydd, na chaledwch eich calonnau : megis yn yr ymrysonfa, fel yn nydd profedigaeth yn yr anialwch;

Lle y temtiodd eich tadau fi : y profasant fi, a gwelsant fy ngweithredoedd.

Deugain mlynedd yr ymrysonais â'r genhedlaeth hon, a dywedais : Pobl gyfeiliornus yn eu calonnau ydynt hwy, canys nid adnabuant fy ffyrdd.

Wrth y rhai y tyngais yn fy llid : na ddelent i'm gorphwysfa.

Gogoniant i'r Tad, ac i'r Mab : ac i'r Yspryd Glân;

Megis yr oedd yn y dechreu, y mae yr awr hon, ac y bydd yn wastad : yn oes oesoedd. Amen.

¶ *Ar ol hyn y dilyn y Psalman mewn trefn, megis y gosodwyd. Ac ar ddiwedd pob Psalm trwy'r flwyddyn, a'r un modd ar ddiwedd y Benedicite, Benedictus, Magnificat, u Nunc dimittis, y dywedir,*

Gogoniant i'r Tad, ac i'r Mab : ac i'r Yspryd Glân;

Atteb. Megis yr oedd yn y dechreu, y mae yr awr hon, ac bydd yn wastad : yn oes oesoedd. Amen.

¶ *Yna y darllenir yn llawn llythyr, â lleferydd uchel, y Llith gyntaf, gwedi ei chymmyrd allan o'r Hen Destament, megis ag y gosodwyd wrth y Calendar (oddi eithr bod Llithiau priod gosodedig i'r Dydd hwnnw.) Y Gweinidog a ddarlleno, safed, ac ymchweled, megis y galler ei glywed yn oreu gan bawb oll a'r a fo yn bresennol. Ac ar ol hynny y dywedir, neu y cenir, yn Gymraeg, yr Emyn a elwir, Te Deum Laudamus, beunydd trwy'r holl flwyddyn.*

¶ *O flaen pob Llith, y Gweinidog a ddywed, Yma y mae yn dechreu y cyfryw Bennod, neu Adnod o'r cyfryw Bennod, o'r Llyfr a'r Llyfr: ac ar ol pob Llith, Yma y terfyn y Llith gyntaf, neu, yr ail.*

Te Deum Laudamus.

TI, Dduw, a folwn : ti a gydnabyddwn yn Arglwydd.

Yr holl ddaear a'th fawl di : y Tad tragwyddol.

Arnat ti y llefa'r holl Angylion : y Nefoedd, a'r holl Nerthoedd o'u mewn.

Arnat ti y llefa Cerubin a Seraphin : â lleferydd ddibaid,

Sanct, Sanct, Sanct : Arglwydd Dduw Sabaoth.

Nefoedd a Ddaear sydd yn : llawn: o'th Ogoniant.

Gogoneddus gôr yr Apostolion : a'th fawl di.

Moliannus nifer y Prophwydi : a'th fawl di.
Ardderchog lu y Merthyri : a'th fawl di.
Yr Eglwys Lân trwy'r holl fyd : a'th addef di;

Y Tad : o anfeidrol Fawredd;
Dy anrhydeddus, wir : ac unig Fab;
Hefyd yr Yspryd Glân : y Diddanydd.
Ti, Crist : yw Brenhin y Gogoniant.
Ti yw tragywyddol Fab : y Tad.

Pan gymmeraist arnat waredu dyn : ni ddiystyraist fru y Wryf.

Pan orchfygaist holl nerth angau : yr agoraist Deyrnas Nef i bawb a gredant.

Tisydd yn eistedd ar Ddeheulaw Dduw : yngogoniant y Tad.
Yr ym ni yn credu mai Tydi a ddaw : yn Farnwr amom.

Gan hynny yr attolygwn i ti gynnorthwyo dy weision : y rhai a brynaist â'th werthfawr Waed.

Pâr iddynt gael eu cyfrif gyd â'th Saint : yn y Gogoniant tragywyddol.

Arglwydd, cadw dy bobl : a bendithia dy etifeddiaeth.

Llywia hwy : a dyrcha hwy yn dragywydd.

Beunydd ac fyth: y clodforwn dydi;

Ac anrhydeddwn dy Enw : byth ac yn oes oesoedd.

Teilynga, Arglwydd : ein cadw y dydd hwn yn ddibechod.

Arglwydd, trugarhâ wrthym : trugarhâ wrthym.

Arglwydd, poed dy drugaredd a ddêl arnom : megis yr ŷm yn ymddiried ynot.

Arglwydd, ynot yr ymddireidais : na'm gwaradwydder yn dragywydd.

¶ *Neu'r Ganiad bon,*

Benedicite, omnia Opera.

CHWYCHWI holl Weithredoedd yr Arglwydd, bendithiwch yr Arglwydd : molwch amawrhêwch ef yn dragywydd.

Chwychwi Angylion yr Arglwydd, bendithiwch yr Arglwydd : molwch a mawrhêwch ef yn dragywydd.

Chwychwi Nefoedd, bendithiwch yr Arglwydd : molwch a mawrhêwch ef yn dragywydd.

Chwychwi'r Dyfroedd, sydd uwch ben y ffurfafen, bendithiwch yr Arglwydd : molwch a mawrhêwch ef yn dragywydd.

Chwychwi holl Nerthoedd yr Arglwydd, bendithiwch yr Arglwydd : molwch a mawrhêwch ef yn dragywydd.

Chwychwi Haul a Lleuad, bendithiwch yr Arglwydd : molwch a mawrhêwch ef yn dragywydd.

Chwychwi Ser y Nefoedd, bendithiwch yr Arglwydd : molwch a mawrhêwch ef yn dragywydd.

Chwychwi Gawodau a Gwlith, bendithiwch yr Arglwydd : molwch a mawrhêwch ef yn dragywydd.

Chwychwi Wntoedd Duw, bendithiwch yr Arglwydd : molwch a mawrhêwch ef yn dragywydd.

Chwychwi Dàn a Gwres, bendithiwch yr Arglwydd : molwch a mawrhêwch ef yn dragywydd.

Chwychwi Auaf a Haf, bendithiwch yr Arglwydd : molwch a mawrhêwch ef yn dragywydd.

Chwychwi Wlithoedd a Rhewoedd, bendithiwch yr Arglwydd : molwch a mawrhêwch ef yn dragywydd.

Chwychwi Rew ac Oerfel, bendithiwch yr Arglwydd : molwch a mawrhêwch ef yn dragywydd.

Chwychwi Iâ ac Eira, bendithiwch yr Arglwydd : molwch a mawrhêwch ef yn dragywydd.

Chwychwi Nosau a Dyddiau, bendithiwch yr Arglwydd : molwch a mawrhêwch ef yn dragywydd.

Chwychwi Oleuni a Thywyllwch, bendithiwch yr Arglwydd : molwch a mawrhêwch ef yn dragywydd.

Chwychwi Fellt a Chymmylau, bendithiwch yr Arglwydd : molwch a mawrhêwch ef yn dragywydd.

Bendithied y Ddaear yr Arglwydd : moled a mawrhâed ef yn dragywydd.

Chwychwi Fynyddoedd a Bryniau, bendithiwch yr Arglwydd : molwch a mawrhêwch ef yn dragywydd.

Chwychwi holl W_grddion Bethau ar y Ddaear, bendithiwch yr Arglwydd : molwch a mawrhêwch ef yn dragywydd.

Chwychwi Ffynhonnau, bendithiwch yr Arglwydd : molwch a mawrhêwch ef yn dragywydd.

Chwychwi Foroedd a Llifeiriaint, bendithiwch yr Arglwydd : molwch a mawrhêwch ef yn dragywydd.

Chwychwi Forfilod, ac oll a'r sydd yn ymsymmud yn y Dyfroedd, bendithiwch yr Arglwydd: molwch a mawrhêwch ef yn dragywydd.

Chwychwi holl Adar yr Awyr, bendithiwch yr Arglwydd : molwch a mawrhêwch ef yn dragywydd.

Chwychwi holl Anifeiliaid ac Ysgrubliaid, bendithiwch yr Arglwydd : molwch a mawrhêwch ef yn dragywydd.

Chwychwi Blant Dynion, bendithiwch yr Arglwydd : molwch a mawrhêwch ef yn dragywydd.

Bendithied Israel yr Arglwydd : moled a mawrhâed ef yn dragywydd.

Chwychwi Offeiriaid yr Arglwydd, bendithiwch yr Arglwydd : molwch a mawrhêwch ef yn dragywydd.

Chwychwi Wasanaethwyr yr Arglwydd, bendithiwch yr Arglwydd : molwch a mawrhêwch ef yn dragywydd.

Chwychwi Ysprydion, ac Eneidiau'r cyfiawn, bendithiwch yr Arglwydd : molwch a mawrhêwch ef yn dragywydd.

Chwychwi y rhai sanctaidd a gostyngedig o galon, bendithiwch yr Arglwydd : molwch a mawrhêwch ef yn dragywydd.

Chwychwi Ananiās, Azariās, a Misäel bendithiwch yr Arglwydd: molwch a mawrhêwch ef yn dragywydd.

Gogoniant i'r Tad, ac i'r Mab : ac i'r Yspryd Glân;

Megis yr oedd yn y dechreu, y mae yr awr hon, ac y bydd yn wastad : yn oes oesoedd. Amen.

¶*Yna y darllenir yn yr un modd yr ail Lith, gwedi ei chymmyrd allan o'r Testament Newydd. Ac wedi hynny yr Emyn sy'n canlyn; oddi eithr pan ddigwyddo i'w darllain ym mbenod y Dydd, neu yn yr Efengyl ar Ddydd St. Ioan Fedyddiwr.*

Benedictus. St. Luc i. 68.

BENDIGEDIG fyddo Arglwydd Dduw Israel : canys efe a ymwelodd ac a brynodd ei bobl;

Ac a ddyrchafodd iachawdwriaeth nerthol i ni : yn nhŷ Ddafydd ei wasanaethwr;

Megis y dywedodd trwy enau ei sanctaidd Brophwydi : y rhai oedd o ddechreuad y byd;

Yr anfonai efe i ni ymwared rhag ein gelynion : ac oddi wrth ddwyllaw pawb o'n digasogion;

Y gwnai efe drugaredd â'n tadau : ac y cofiai ei sanctaidd Gyfammod;

A'r llw yr hwn a dyngodd efe wrth ein tad Abraham : sef bod iddo ganiattâu i ui, gwedi ein hymwared oddi wrth ddwyllaw ein gelynion, allu ei wasanaethu ef yn ddiöfn;

Mewn sancteiddrwydd a chyfaiwnder ger ei fron ef : holl ddyddiau ein bywyd.

A thithau, Fab, a elwir yn Brophwyd i'r Goruchaf: canys ti a âi o flaen wyneb yr Arglwydd, i barottôi ei ffyrdd ef;

Ac i roddi gwybodaeth iachawdwriaeth i'w bobl ef : trwy faddeuant o'u pechodau,

O herwydd tiriondeb trugaredd ein Duw: trwy yr hon yr ymwelodd â ni Godiad Haul o'r uchelder;

I roddi llewyrch i'r rhai sydd yn eistedd mewn tywyllwch a chysgod angau : ac i gyfeirio ein traed iffordd tangnefedd.

Gogoniant i'r Tad, ac i'r Mab : ac i'r Yspryd Glân;

Megis yr oedd yn y dechreu, y mae yr awr hon, ac y bydd yn wastad : yn oes oesoedd. Amen.

¶ *Neu y Psalm hon,*

Jubilate Deo. Psalm c.

CENWYCH yn llafar i'r Arglwydd, yr holl ddaear : gwasanaethwch yr Arglwydd mewn llawenydd, deuwch yn ei wydd ef mewn gorfoledd.

Gwybyddwch mai yr Arglwydd sy Dduw : efe a' n gwn-aeth, ac nid ni ein hunain; ei bobl ef ydym a defaid ei borfa.

Ewch i mewn i'w byrth ef â diöloch, ac i'w lysoedd â moliant gennyh : diölochwch iddo, a chlodforwch ei Enw.

Canys daionus yw yr Arglwydd, a'i drugaredd sydd yn dragywydd : a'i wirionedd a bery o genhedlaeth i genhed-laeth byth.

Gogoniant i'r Tad, ac i'r Mab : ac i'r Yspryd Glân;

Megis yr oedd yn y dechreu, y mae yr awr hon, ac y bydd yn wastad : yn oes oesoedd. Amen

¶*Yna y cenir, neu y dywedir, Credo'r Apostolion, gan y Gweinidog. a'r bobl, yn eu sefyll: oddi eithr y dyddiau hynny yn unig ar y rhai y gosodwyd Credo Sant Athanasius i'w ddarllain.*

CREDAF yn Nuw Dad Holl-gyfoethog, Creawtdwr nef a daear :

Ac yn Iesu Grist ei un Mab ef, ein Harglwydd ni; Yr hwn a gaed trwy yr Yspryd Glân, A aned o Fair Forwyn, A ddiöddfodd dan Pontius Pilatus, A groeshoeliwyd, a fu farw, ac a gladdwyd; A ddisgynodd i uffern; Y trydydd dydd y cyfododd o feirw; A esgynodd i'r nefoedd, Ac y mae yn eistedd ar ddeheulaw Dduw Dad Holl-gyfoethog; Oddi yno y daw i farnu byw a meirw.

Credaf yn yr Yspryd Glân; Yr Eglwys Lân Gatholig; Cymmun y Saint; Maddeuant Pechodau; Adgyfodiad y cnawd, A'r Bywyd tragywyddol. Amen.

¶*Ac ar ol hynny, y Gweddïau hyn sy'n canlyn, a phawb yn gostwng yn ddefosiynol ar eu gliniau; y Gweinidog yn gyntaf a lefara â llef uchel,*

Yr Arglwydd a fo gyd â chwi.

Atteb. A chyd â 'th yspryd dithau.

Gweinidog. Gweddïwn.

Arglwydd, trugarhâ wrthym.

Crist, trugarhâ wrthym.

Arglwydd, trugarhâ wrthym

¶*Yna'r Gweinidog, yr Ysgolbeigion, a'i bobl, a ddywedant Weddi'r Arglwydd â lleferydd uchel.*

EIN Tad, yr hwn wyt yn y nefoedd, Sancteiddier dy Enw. Deued dy deyrnas. Bydded dy ewyllys ar y ddaear, Megis ymae yn y nefoedd. Dyro i ni heddyw ein bara beunyddiol. A maddeu i ni ein dyledion, Fel y ddeuwn ni i'n dyledwŷr. Ac nac arwain ni i brofedigaeth ; Eithr gwared ni rhag drwg. Amen.

¶*Yna y Gweinidog yn ei sefyll a ddywed*

Arglwydd, dangos dy drugaredd arnom.

Atteb. A chaniattâ i ni dy iachawdwriaeth.

Offeiriad. Arglwydd, cadw y Brenhin.

Atteb. A gwrando ni yn drugarog pan alwom arnat.

Offeiriad. Gwisg dy Weinidogion âg iawnder.

Atteb. A gwna dy ddewisol bobl yn llawen.

Offeiriad. Arglwydd, cadw dy bobl.

Atteb. A bendithia dy etifeddieth.

Offeiriad. Arglwydd, dyro dangnefedd yn ein dyddiau.

Atteb. Gan nad oes neb arall a ymladd drosom, ond tydi, Dduw, yn unig.

Offeiriad. Duw, glanhâ ein calonnau ynom.

Atteb. Ac na chymmer dy Yspryd Glân oddi wrthym.

¶*Yma y canlyn tri Cholect y cyntaf, o'r Dydd, yr hwn a ffydd yr un ag a osodir ar y Cymmun; yr ail, am Dangnefedd; y trydydd, am Ras i fyw yn dda. A'r ddau Golect diweddaf ni chyfnwidir un amser, ond eu dywedyd beunydd ar y Foreol Weddi trwy'r holl flwyddyn, fel y canlyn; a phawb ar eu gliniau.*

Yr ail Golect, am Dangnefedd.

DUW, yr hwn wyt Awdwr tangnefedd a charwr cyttundeb, yr hwn o 'th iawn adnabod y mae'n buchedd dragywydd yn sefyll arno, a'th Wasanaeth sydd wir fraint; Amddiffyn nyni, dy ostyngedig weision, rhag holl ruthrau ein gelynyon; fel, trwy gwbl ymddiried yn dy amddiffyn di, nad ofnom allu neb gwrthwynebwŷr, trwy nerth Iesu Grist ein Harglwydd. *Amen.*

Y trydydd Colect, am gael Gras.

O Arglwydd, nefol Dad, Holl-alluog a thragywyddol Dduw, yr hwn a'n cedwaist yn ddiangol hyd ddechreu'r dydd heddyw; Amddiffyn nyni ynddo â'th gadarn allu; a chaniattâ na syrthiom y dydd hwn mewn un pechod, ac nad elom mewn neb rhyw berygl; eithr bod ein holl weithredoedd wedi eu trefnu a'u llywio wrth dy lywodraeth, i wneuthur yn wastad y peth sy gyfiawn yn dy olwg di; trwy Iesu Grist ein Harglwydd. *Amen*

¶ *Mewn Corau a Mannau lle'r arferont gannu, yma y canlyn yr Anthem.*

¶ *Yna y pum Gweddi hyn sy'n canlyn a ddarllenir yma, oddi eithr pan ddarllenir y Litani; ac yna y ddwy olaf yn unig a ddarllenir, fel y maent gwedi eu cyflêu yno.*

Gweddi dros Fawrhydi'r Brenhin.

O Arglwydd, ein Tad nefol, goruchel a galluog, Brenhin y brenhinoedd, Arglwydd yr arglwyddi, unig Lywiawdwr y tywysogion, yr hwn wyt o'th eisteddle yn edrych ar holl drigolion y ddaear; Ni a attolygwn ac a erfyniwn i ti, edrych o honot yn ddarbodus ar ein grasusaf oruchel Arglwydd, y Brenhin *GEORGE*; ac felly ei gyflawni ef o ras dy Sanctaidd Yspryd, fel y bo iddo yn wastadol bwyso at dy feddwl, a rhodio yn dy ffordd: Cynnysgaedda ef yn helaeth â doniau nefol; caniattâ iddo mewn llwyddiant ac iechyd hir hoedl; nertha ef modd y gallo oresgyn a gorchfygu ei holl elynion; ac o'r diwedd, ar ol y fuchedd hon, bod iddo fwynhâu llawenydd a dedwyddydd tragywyddol; trwy Iesu Grist ein Harglwydd. *Amen.*

Gweddi dros y Brenhinol Deulu.

HOLL-alluog Dduw, ffynnon pob daioni, yr ydym ni yn Hostyngedig yn attolwg i ti fendithio ein grasusol Frenhines *Elizabeth*, *Mary* y Fam Frenhines, y Dywysoges *Elizabeth*, a'r holl Frenhinol Deulu: Cynnysgaedda hwy â'th Yspryd Glân; cyfoethoga hwy y â'th nefod ras; llwydda hwy â phob dedwyddwch; a dwg hwy i'th dragywyddol deyrnas; trwy Iesu Grist ein Harglwydd. *Amen*

Gweddi dros yr Offeiriaid a'r bobl.

HOLL-gyfoethoga a thragywyddol Dduw, yr hwn wyt yn unig Hyn gwneuthur rhyfeddodau; Danfon i lawr ar ein Hesgobion a'n Curadiaid, a'r holl gynnulleidfaon a orchymynwyd dan eu gofal hwynt, iachol Yspryd dy ras; ac fel y gallont wir ryngu bodd i ti, tywallt arnynt ddyfal wlith dy fendith. Caniattâ hyn, Arglwydd, er anrhydedd ein Dadleuwr a'n Cyfryngwr, Iesu Grist. *Amen.*

Gweddi o waith St. Chrysostom.

HOLL-alluog Dduw, yr hwn a roddaist i ni ras y pryd hwn, addaw, pan ymgynhullo dau neu dri yn dy Enw, bod i ti ganiattâu eu gofynion: Cyflawna yr awr hon, O Arglwydd, ddymuniad a deisyflad dy weision, fel y bo mwyaf buddiol iddynt; gan ganiattâu i ni yn y byd hwn wybodaeth am dy wirionedd, ac yn y byd a ddaw, fywyd tragywyddol. *Amen.*

2 Cor xiii.

GRAS ein Harglwydd Iesu Grist, a chariad Duw, a chymdeithas yr Yspryd Glân, a fyddo gyd â ni oll byth bythoedd. *Amen.*

Yma y diwedd Trefn y Foreol Weddi trwy'r Fflwyddyn.